

PRO UTIERI E PRO SA SOLENNE FESTA SUA

---

Bella! Utieri ses pro ch'in assediu  
Ti tenzana sos montes tuos bighinos  
Da ue marmarende in sos trainos  
Falat s'abba e ti bagnat chen'attediu

A t'ider sa Reina de ogni mediu  
Cun s'ala ispalta da-e sos divinos  
Albergos falat in milli caminos  
E falende ti dàt dogni remediù

Gai ses pro Maria illustr'e rara!  
Digna e corona e de reale aneddu  
Cale reina 'e sa Sardigna mia

Ca ses famosa pro sa prima gara  
Ch'in custa festa Pirastru e Cubeddu  
Criein pro sa sarda poesia

Da tando, coro e anima e chelveddu  
Ses dei cuddos improvvisadores  
Dignos de s'eliconiu casteddu

Pro cussu, ti meritas sos fiores  
De totta sa Sardigna in vasos d'oro  
Pro sos tuos poeticos valores!

Sas mèzus rosas de su Logudoro  
S'istell'alpina de su Gennargentu  
Sos laros cun sas palmas de Nuòro

Su granitu 'e Limbara e de s'Aglientu  
Pro fagher'un'istatua gigante  
A sos poetas ch'in su sinu has tentu

Tantu e la poder bider dae distante  
E bonorva, Pattada e Macumere!  
E Tempiu e Firenze terra 'e Dante!  
Ca de ti riverire han su dovere!

Thiesi, li 26 agosto 1956

Andrea Ninniri